

# YR ATODLENNI

## ATODLEN 2

Rheoliad 196

### Darpariaethau trosiannol

## RHAN 1

### Cyffredinol

#### Dehongli

##### 1. Yn yr Atodlen hon—

ystyr “aelod a ddiogelir” (*“protected member”*), mewn perthynas â chynllun presennol neu gynllun pensiwn corff cyhoeddus presennol, yw aelod diogelwch llawn neu aelod diogelwch taprog o un o'r cynlluniau hynny;

ystyr “aelod a ddiogelir yn llawn” (*“fully protected member”*) o gynllun presennol neu o gynllun pensiwn corff cyhoeddus presennol yw person y mae eithriad yn gymwys mewn cysylltiad ag ef, sef eithriad y mae adran 18(6) o Ddeddf 2013(1) (neu'r adran honno fel y'i cymhwysir gan adran 31(4) o'r Ddeddf honno) yn gymwys iddo at ddibenion y cynllun hwnnw; mae i “aelod actif o Gynllun 1992 neu o CPNDT” (*“active member of the 1992 Scheme or the NFPS”*) yr ystyr a roddir ym mharagraff 5;

mae i “aelod actif o gynllun pensiwn corff cyhoeddus presennol” (*“active member of an existing public body pension scheme”*) yr ystyr a roddir ym mharagraff 7;

mae i “aelod actif o gynllun presennol” (*“active member of an existing scheme”*) yr ystyr a roddir ym mharagraff 6;

mae i “aelod diogelwch llawn” (*“full protection member”*), mewn perthynas â Chynllun 1992 neu CPNDT, yr ystyr a roddir ym mharagraff 9;

mae i “aelod diogelwch taprog” (*“tapered protection member”*), mewn perthynas â Chynllun 1992 neu CPNDT, yr ystyr a roddir ym mharagraff 15;

ystyr “aelod trosiannol” (*“transition member”*) yw person—

- (a) sy'n aelod o Gynllun 1992 neu CPNDT yn rhinwedd ei wasanaeth pensiynadwy o dan y cynllun hwnnw, neu sy'n gymwys i fod yn aelod actif o CPNDT, cyn y dyddiad trosiant, a
- (b) sy'n aelod o'r cynllun hwn yn rhinwedd gwasanaeth pensiynadwy y person o dan y cynllun hwn;

mae i “cyfnod diogelwch” (*“protection period”*)—

- (a) yn achos aelod diogelwch llawn o Gynllun 1992 neu o CPNDT, yr ystyr a roddir ym mharagraff 10, a
- (b) yn achos aelod diogelwch taprog o Gynllun 1992 neu o CPNDT, yr ystyr a roddir ym mharagraff 16;

---

(1) Diwygiwyd adran 18(6) gan adran 52(3) o Ddeddf Pensiynau 2014 (p. 19).

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

mae i “cymwys i fod yn aelod actif o CPNDT” (“*eligible to be an active member of the NFPS*”) yr ystyr a roddir ym mharagraff 4;

ystyr “cynllun pensiwn corff cyhoeddus presennol” (“*existing public body pension scheme*”) yw cynllun pensiwn corff cyhoeddus y mae adran 31 o Ddeddf 2013 yn gymwys iddo;

ystyr “dyddiad cau” (“*closing date*”)—

- (a) mewn perthynas â chynllun presennol, yw'r dyddiad y cyfeirir ato yn adran 18(4)(a) neu (b) o Ddeddf 2013, yn ôl fel y digwydd,
- (b) mewn perthynas â chynllun pensiwn corff cyhoeddus presennol, yw'r dyddiad a benderfynir o dan adran 31(2) o Ddeddf 2013 gan y corff cyhoeddus sy'n gyfrifol am y cynllun hwnnw, ac
- (c) mewn perthynas ag aelod trosiannol, yw—
  - (i) os yw'r aelod yn aelod diogelwch taprog o Gynllun 1992 neu o CPNDT, y dyddiad cau diogelwch taprog ar gyfer yr aelod hwnnw, neu
  - (ii) os nad yw'r aelod yn aelod a ddiogelir o un o'r cynlluniau hynny, dyddiad cau'r cynllun;

mae i “dyddiad cau diogelwch taprog” (“*tapered protection closing date*”), mewn perthynas ag aelod diogelwch taprog o gynllun presennol, yr ystyr a roddir ym mharagraff 3;

ystyr “dyddiad cau'r cynllun” (“*scheme closing date*”) yw 31 Mawrth 2015;

ystyr “dyddiad trosiant” (“*transition date*”), mewn perthynas ag aelod trosiannol, yw—

- (a) os yw'r aelod yn aelod diogelwch taprog o Gynllun 1992 neu CPNDT, y diwrnod ar ôl y dyddiad cau diogelwch taprog ar gyfer yr aelod hwnnw, a
- (b) os nad yw'r aelod yn aelod a ddiogelir o Gynllun 1992 neu CPNDT, y diwrnod ar ôl dyddiad cau'r cynllun, neu, os yw'n ddiweddarach, y diwrnod y peidiodd y person â bod yn aelod a ddiogelir o'r cynllun hwnnw;

ystyr “eithriad” (“*exception*”) yw—

- (a) mewn perthynas â chynllun presennol, eithriad o dan adran 18(5) o Ddeddf 2013 y darperir ar ei gyfer yn y rheoliadau cynllun ar gyfer y cynllun hwnnw,
- (b) mewn perthynas â chynllun pensiwn corff cyhoeddus presennol, eithriad o dan adran 31(4) o Ddeddf 2013 y darperir ar ei gyfer gan yr awdurdod cyhoeddus sy'n gyfrifol am y cynllun hwnnw.

### **Ystyr “parhad gwasanaeth”**

2.—(1) Mae gan aelod trosiannol (T) barhad gwasanaeth rhwng gwasanaeth pensiynadwy yng Nghynllun 1992 neu CPNDT, yn ôl fel y digwydd, a gwasanaeth pensiynadwy yn y cynllun hwn, onid oes bwlch yng ngwasanaeth T o fwy na phum mlynedd sy'n—

- (a) dechrau ar neu cyn dyddiad trosiant T; a
- (b) yn diweddu ar y diwrnod y daw T yn aelod actif o'r cynllun hwn.

(2) At ddibenion is-baragraff (1), ar ôl dyddiad cau'r cynllun, nid yw T mewn bwlch yn ei wasanaeth tra bo T mewn gwasanaeth sy'n bensiynadwy o dan gynllun presennol, cynllun pensiwn corff cyhoeddus presennol, cynllun o dan adran 1 o Ddeddf 2013 neu gynllun pensiwn corff cyhoeddus newydd.

### **Ystyr “dyddiad cau diogelwch taprog”**

3.—(1) Y dyddiad cau diogelwch taprog ar gyfer aelod diogelwch taprog o Gynllun 1992 yw'r dyddiad a ganfyddir drwy gymhwyso'r dyddiad perthnasol yng ngholofn 3 o'r tabl Cynllun 1992 yn Rhan 4 o'r Atodlen hon, i'r dyddiad geni y cyfeirir ato yng ngholofn 1 a cholofn 2.

(2) Yn ddarostyngedig i is-baragraff (3), y dyddiad cau diogelwch taprog ar gyfer aelod diogelwch taprog o CPNDT yw'r dyddiad a ganfyddir drwy gymhwyso'r dyddiad perthnasol yng ngholofn 3 o'r tabl CPNDT yn Rhan 4 o'r Atodlen hon, i'r dyddiad geni y cyfeirir ato yng ngholofn 1 a cholofn 2.

(3) Y dyddiad cau diogelwch taprog ar gyfer aelod diogelwch taprog o CPNDT y mae paragraff 9(5) neu 21 yn gymwys iddo yw dyddiad a benderfynir gan y rheolwr cynllun.

### **Ystyr “cymwys i fod yn aelod actif” o CPNDT**

4.—(1) At ddibenion yr Atodlen hon, mae person (P) yn gymwys i fod yn aelod actif o CPNDT ar ddyddiad penodol os, ar y dyddiad hwnnw, nad yw P mewn gwasanaeth pensiynadwy o dan Gynllun 1992 nac o dan CPNDT, a naill ai—

- (a) bod P mewn gwasanaeth fel diffoddwr tân sy'n rhoi i P yr hawl i fod yn gymwys i fod yn aelod actif o CPNDT; neu
- (b) bod P mewn bwllch o ddim mwy na phum mlynedd yn ei wasanaeth pensiynadwy.

(2) At ddibenion is-baragraff (1)(b), ar ôl dyddiad cau'r cynllun, nid yw P mewn bwllch mewn gwasanaeth tra bo P mewn gwasanaeth cyhoeddus pensiynadwy.

### **Ystyr “aelod actif o Gynllun 1992 neu CPNDT”**

5.—(1) At ddibenion yr Atodlen hon, mae person (P) yn aelod actif o Gynllun 1992 neu CPNDT ar ddyddiad penodol os yw P, ar y dyddiad hwnnw—

- (a) mewn gwasanaeth pensiynadwy o dan Gynllun 1992 neu CPNDT; neu
- (b) mewn bwllch o ddim mwy na phum mlynedd yn ei wasanaeth.

(2) At ddibenion is-baragraff (1)(b), ar ôl dyddiad cau'r cynllun, nid yw P mewn bwllch mewn gwasanaeth tra bo P mewn gwasanaeth cyhoeddus pensiynadwy.

### **Ystyr “aelod actif o gynllun presennol”**

6.—(1) At ddibenion yr Atodlen hon, mae person (P) yn aelod actif o gynllun presennol(2) (ac eithrio Cynllun 1992 neu CPNDT) ar ddyddiad penodol os yw P, ar y dyddiad hwnnw—

- (a) mewn gwasanaeth pensiynadwy o dan y cynllun hwnnw; neu
- (b) mewn bwllch o ddim mwy na phum mlynedd yn ei wasanaeth.

(2) At ddibenion is-baragraff (1)(b), ar ôl y dyddiad cau ar gyfer y cynllun presennol nid yw P mewn bwllch mewn gwasanaeth tra bo P mewn gwasanaeth cyhoeddus pensiynadwy.

### **Ystyr “aelod actif o gynllun pensiwn corff cyhoeddus presennol”**

7.—(1) At ddibenion yr Atodlen hon, mae person (P) yn aelod actif o gynllun pensiwn corff cyhoeddus presennol ar ddyddiad penodol os yw P, ar y dyddiad hwnnw—

- (a) mewn gwasanaeth pensiynadwy o dan y cynllun hwnnw; neu
- (b) mewn bwllch yn ei wasanaeth nad yw'n hwy na phum mlynedd.

---

(2) Gweler adran 18(2) o Ddeddf 2013 ar gyfer ystyr “existing scheme”.

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(2) At ddibenion is-baragraff (1)(b), ar ôl y dyddiad cau ar gyfer y cynllun pensiwn corff cyhoeddus presennol nid yw P mewn bwloch yn ei wasanaeth tra bo P mewn gwasanaeth cyhoeddus pensiynadwy.

### **Cychwyn aelodaeth actif o'r cynllun hwn**

**8.—(1)** Mae person sy'n aelod trosiannol pan fo'n dechrau mewn gwasanaeth pensiynadwy o dan y cynllun hwn ac nad oes ganddo barhad gwasanaeth, yn dod yn aelod actif o'r cynllun hwn ar y diwrnod y mae'r person hwnnw'n dechrau mewn gwasanaeth pensiynadwy mewn cyflogaeth gynllun.

(2) Mae person sy'n aelod trosiannol pan fo'n dechrau mewn gwasanaeth pensiynadwy o dan y cynllun hwn, a chanddo barhad gwasanaeth (T), yn dod yn aelod actif o'r cynllun hwn—

- (a) os yw T mewn gwasanaeth pensiynadwy mewn cyflogaeth gynllun ar y dyddiad trosiant, ar y dyddiad hwnnw; neu
- (b) os nad yw T mewn gwasanaeth pensiynadwy mewn cyflogaeth gynllun ar y dyddiad trosiant, ar y diwrnod y mae T yn dechrau mewn gwasanaeth pensiynadwy mewn cyflogaeth gynllun ar ôl y dyddiad hwnnw.

## **RHAN 2**

### **Aelodau diogelwch llawn o Gynllun 1992 neu CPNDT**

#### **Aelodau diogelwch llawn o Gynllun 1992 neu CPNDT**

**9.—(1)** Mae person (P) y mae unrhyw un o'r paragraffau 12 i 14 yn gymwys yn aelod diogelwch llawn o Gynllun 1992 neu o CPNDT, yn ôl fel y digwydd.

(2) Mae P yn peidio â bod yn aelod diogelwch llawn o Gynllun 1992 neu o CPNDT, yn ôl fel y digwydd, pan fo P yn peidio â bod mewn gwasanaeth pensiynadwy o dan y cynllun hwnnw ac yn peidio â bod yn gymwys i fod yn aelod actif o CPNDT, onid yw is-baragraff (3) neu (4) yn gymwys.

(3) Mae'r is-baragraff hwn yn gymwys—

- (a) os yw P yn dychwelyd i wasanaeth sy'n bensiynadwy o dan CPNDT o wasanaeth sy'n bensiynadwy o dan gynllun presennol (ac eithrio Cynllun 1992) neu gynllun pensiwn corff cyhoeddus presennol; a
- (b) os byddai P wedi bod yn aelod a ddiogelid yn llawn o'r cynllun presennol neu'r cynllun pensiwn corff cyhoeddus presennol hwnnw pe bai P wedi ailgychwyn mewn gwasanaeth sy'n bensiynadwy o dan y cynllun hwnnw ar y dyddiad y mae P yn dychwelyd i wasanaeth sy'n bensiynadwy o dan CPNDT.

(4) Mae'r is-baragraff hwn yn gymwys os yw P yn dychwelyd i wasanaeth sy'n bensiynadwy o dan CPNDT—

- (a) rhywfodd ac eithrio o wasanaeth sy'n bensiynadwy o dan gynllun presennol neu gynllun pensiwn corff cyhoeddus presennol; a
- (b) ar ôl bwloch mewn gwasanaeth nad yw'n hwy na phum mlynedd.

(5) Os yw P yn dychwelyd i wasanaeth sy'n bensiynadwy o dan CPNDT mewn amgylchiadau pan fo is-baragraff (6) yn gymwys, mae P yn aelod diogelwch taprog o CPNDT pan fo P yn dychwelyd i'r gwasanaeth hwnnw.

(6) Mae'r is-baragraff hwn yn gymwys—

- (a) os yw P yn dychwelyd i wasanaeth sy'n bensiynadwy o dan CPNDT o wasanaeth sy'n bensiynadwy o dan gynllun presennol neu gynllun pensiwn corff cyhoeddus presennol; a

- (b) os byddai P wedi bod yn aelod a ddiogelid o'r cynllun presennol neu'r cynllun pensiwn corff cyhoeddus presennol yn rhinwedd eithriad y mae adran 18(7)(a) a (b) o Ddeddf 2013 (neu'r adran honno fel y'i cymhwysir gan adran 31(4) o'r Ddeddf honno) yn gymwys iddo, pe bai P wedi ailgychwyn mewn gwasanaeth sy'n bensiynadwy o dan y cynllun hwnnw ar y dyddiad y mae P yn dychwelyd i wasanaeth sy'n bensiynadwy o dan CPNDT.

(7) At ddibenion is-baragraff (4)(b), ar ôl dyddiad cau'r cynllun, nid yw P mewn bwllch mewn gwasanaeth tra bo P mewn gwasanaeth cyhoeddus pensiynadwy.

### **Eithriad ar gyfer aelod diogelwch llawn yn ystod y cyfnod diogelwch**

**10.**—(1) Y cyfnod diogelwch ar gyfer person (P) sy'n aelod diogelwch llawn o Gynllun 1992 neu CPNDT, yn ôl fel y digwydd, yw'r cyfnod sydd—

- (a) yn dechrau ar y diwrnod ar ôl dyddiad cau'r cynllun; a
  - (b) yn dod i ben pan fo P yn peidio â bod yn aelod diogelwch llawn o Gynllun 1992 neu CPNDT (onid yw P yn aelod diogelwch taprog yn rhinwedd paragraff 9(5)).
- (2) Yn ystod y cyfnod diogelwch—
- (a) mae P yn gymwys i fod mewn gwasanaeth pensiynadwy o dan CPNDT, neu os yw P yn aelod actif o Gynllun 1992, yn gymwys i fod mewn gwasanaeth pensiynadwy o dan y cynllun hwnnw;
  - (b) nid yw adran 18(1) o Ddeddf 2013 yn gymwys mewn cysylltiad â'r gwasanaeth pensiynadwy hwnnw; ac
  - (c) mae buddion i'w darparu o dan Gynllun 1992 neu CPNDT, yn ôl fel y digwydd, i P neu mewn cysylltiad â P mewn perthynas â'r gwasanaeth pensiynadwy hwnnw.

### **Nid yw aelod diogelwch llawn yn gymwys i ymuno â'r cynllun hwn**

**11.** Tra bo person (P) yn aelod diogelwch llawn o Gynllun 1992 neu CPNDT, nid yw P yn gymwys i fod yn aelod actif o'r cynllun hwn mewn cysylltiad â'r gyflogaeth gynllun honno.

### **Diogelwch llawn: aelodau o Gynllun 1992 neu CPNDT ar ddyddiad cau'r cynllun**

- 12.**—(1) Mae'r paragraff hwn yn gymwys os yw is-baragraff neu is-baragraff (3) yn gymwys.
- (2) Mae'r is-baragraff hwn yn gymwys—
- (a) os oedd P yn aelod actif o Gynllun 1992 neu'n aelod actif, neu'n gymwys i fod yn aelod actif, o CPNDT ar ddyddiad cau'r cynllun;
  - (b) os oedd P yn aelod actif o Gynllun 1992 neu'n aelod actif, neu'n gymwys i fod yn aelod actif, o CPNDT ar 31 Mawrth 2012; ac
  - (c) os yw P—
  - (d) (i) yn aelod actif o Gynllun 1992 ac y byddai P, oni fydd farw, yn cyrraedd oedran pensiwn arferol o dan Gynllun 1992(3), ar neu cyn 1 Ebrill 2022; neu
  - (e) (ii) yn aelod actif, neu'n gymwys i fod yn aelod actif o CPNDT, ac y byddai P, oni fydd farw, yn cyrraedd oedran pensiwn arferol o dan CPNDT(4), ar neu cyn 1 Ebrill 2022.
- (3) Mae'r is-baragraff hwn yn gymwys—

---

(3) [S.I. 1992/129](#): mae rheol A13 yn darparu mai'r oedran pensiwn arferol yw 55 ac mae rheol B1 yn galluogi diffoddwyr tân rheolaidd dros 50 oed i ymddeol unwaith y gallant gyfrif o leiaf 25 mlynedd o wasanaeth pensiynadwy. Amnewidiwyd rheol A13 fel y mae'n cael effaith yng Nghymru gan [O.S. 2006/1672](#). Amnewidiwyd rheol B1 fel y mae'n cael effaith yng Nghymru gan [O.S. 2005/566](#) a [2014/3242](#).

(4) [O.S. 2007/1072 \(Cy. 110\)](#): mae rheol 3(1) o Ran 2 yn darparu mai oedran ymddeol arferol aelodau sy'n ddiffoddwyr tân yw 60.

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (a) os oedd P yn aelod actif o gynllun presennol (ac eithrio Cynllun 1992 neu CPNDT) neu gynllun pensiwn corff cyhoeddus presennol (“cynllun trosiannol P”) ar 31 Mawrth 2012;
- (b) os oedd P yn aelod actif, neu'n gymwys i fod yn aelod actif o CPNDT ar ddyddiad cau'r cynllun; ac
- (c) oni fydd farw, bydd P yn cyrraedd oedran pensiwn arferol o dan CPNDT a chynllun trosiannol P ar neu cyn 1 Ebrill 2022.

### **Diogelwch llawn: aelodau o gynllun presennol**

13. Mae'r paragraff hwn yn gymwys—

- (a) os oedd P yn aelod actif o gynllun presennol (ac eithrio Cynllun 1992 neu CPNDT) neu gynllun pensiwn corff cyhoeddus presennol ar y dyddiad cau ar gyfer y cynllun hwnnw;
- (b) os oedd P yn aelod actif o gynllun presennol neu gynllun pensiwn corff cyhoeddus presennol (“cynllun trosiannol P”) ar 31 Mawrth 2012;
- (c) os yw P yn dechrau mewn gwasanaeth sy'n bensiynadwy o dan CPNDT, ddim mwy na phum mlynedd ar ôl gadael gwasanaeth pensiynadwy o dan gynllun presennol ac eithrio Cynllun 1992 neu CPNDT;
- (d) os byddai P, ar y dyddiad y mae P yn dechrau mewn gwasanaeth sy'n bensiynadwy o dan CPNDT, wedi bod yn aelod a ddiogelid yn llawn o'r cynllun presennol y cyfeirir ato yn is-baragraff (c) pe bai P wedi ailddechrau mewn gwasanaeth sy'n bensiynadwy o dan y cynllun hwnnw ar y dyddiad hwnnw; ac
- (e) oni fydd farw, bydd P yn cyrraedd oedran pensiwn arferol o dan CPNDT a chynllun trosiannol P ar neu cyn 1 Ebrill 2022.

### **Diogelwch llawn: aelodau o gynllun pensiwn corff cyhoeddus presennol**

14. Mae'r paragraff hwn yn gymwys—

- (a) os oedd P yn aelod actif o gynllun presennol (ac eithrio Cynllun 1992 neu CPNDT) neu gynllun pensiwn corff cyhoeddus presennol ar y dyddiad cau ar gyfer y cynllun hwnnw;
- (b) os oedd P yn aelod actif o gynllun presennol neu gynllun pensiwn corff cyhoeddus presennol (“cynllun trosiannol P”) ar 31 Mawrth 2012;
- (c) os yw P yn dechrau mewn gwasanaeth sy'n bensiynadwy o dan CPNDT, ddim mwy na phum mlynedd ar ôl gadael gwasanaeth pensiynadwy o dan gynllun pensiwn corff cyhoeddus presennol;
- (d) os byddai P, ar y dyddiad y mae P yn dechrau mewn gwasanaeth sy'n bensiynadwy o dan CPNDT, wedi bod yn aelod a ddiogelid yn llawn o'r cynllun pensiwn corff cyhoeddus presennol y cyfeirir ato yn is-baragraff (c) pe bai P wedi ailddechrau mewn gwasanaeth sy'n bensiynadwy o dan y cynllun hwnnw ar y dyddiad hwnnw; ac
- (e) oni fydd farw, bydd P yn cyrraedd oedran pensiwn arferol o dan CPNDT a chynllun trosiannol P ar neu cyn 1 Ebrill 2022.

## RHAN 2

### Eithriadau i adran 18(1) o Ddeddf 2013: aelodau diogelwch taprog o Gynllun 1992 neu CPNDT

#### **Aelodau diogelwch taprog o Gynllun 1992 neu CPNDT**

**15.**—(1) Mae person (P) y mae unrhyw un o'r paragraffau 18 i 21 yn gymwys iddo yn aelod diogelwch taprog o Gynllun 1992 neu CPNDT.

(2) Mae P yn peidio â bod yn aelod diogelwch taprog o Gynllun 1992 neu CPNDT ar ba un bynnag o'r diwrnodau canlynol sy'n digwydd gyntaf—

- (a) dyddiad cau diogelwch taprog P; neu
- (b) y diwrnod y mae P yn peidio â bod mewn gwasanaeth pensiyndwy o dan Gynllun 1992 neu os yw'n ddiweddarach, yn peidio â bod yn gymwys i fod mewn gwasanaeth pensiyndwy o dan CPNDT, onid yw is-baragraff (3) neu is-baragraff (4) yn gymwys.

(3) Mae'r is-baragraff hwn yn gymwys—

- (a) os yw P, cyn dyddiad trosiant P, yn dychwelyd i wasanaeth sy'n bensiynadwy o dan CPNDT o wasanaeth sy'n bensiynadwy o dan gynllun presennol neu gynllun pensiwn corff cyhoeddus presennol; a
- (b) os byddai P wedi bod yn aelod a ddiogelid o'r cynllun presennol neu'r cynllun pensiwn corff cyhoeddus presennol hwnnw pe bai P wedi ailddechrau mewn gwasanaeth sy'n bensiynadwy o dan y cynllun hwnnw ar y dyddiad y mae P yn dychwelyd i wasanaeth sy'n bensiynadwy o dan CPNDT.

(4) Mae'r is-baragraff hwn yn gymwys os yw P—

- (a) cyn dyddiad trosiant P, yn dychwelyd i wasanaeth sy'n bensiynadwy o dan CPNDT rywfodd ac eithrio o wasanaeth sy'n bensiynadwy o dan gynllun presennol neu gynllun pensiwn corff cyhoeddus presennol; a
- (b) yn dychwelyd i wasanaeth sy'n bensiynadwy o dan CPNDT ar ôl bwlch mewn gwasanaeth nad yw'n hwy na phum mlynedd.

(5) At ddibenion is-baragraff (4)(b), ar ôl dyddiad cau'r cynllun, nid yw P mewn bwlch mewn gwasanaeth tra bo P mewn gwasanaeth cyhoeddus pensiyndwy.

#### **Eithriad ar gyfer aelodau diogelwch taprog yn ystod y cyfnod diogelwch**

**16.**—(1) Y cyfnod diogelwch ar gyfer aelod diogelwch taprog o Gynllun 1992 neu CPNDT yw'r cyfnod sydd—

- (a) yn dechrau ar y diwrnod ar ôl dyddiad cau'r cynllun; a
- (b) yn dod i ben pan fo P yn peidio â bod yn aelod diogelwch taprog o Gynllun 1992 neu CPNDT.

(2) Yn ystod y cyfnod diogelwch—

- (a) mae P yn gymwys i fod mewn gwasanaeth pensiyndwy o dan CPNDT neu, os yw P yn aelod actif o Gynllun 1992, yn gymwys i fod mewn gwasanaeth pensiyndwy o dan y cynllun hwnnw;
- (b) nid yw adran 18(1) o Ddeddf 2013 yn gymwys mewn cysylltiad â'r gwasanaeth pensiyndwy hwnnw; ac
- (c) mae buddion i'w darparu o dan Gynllun 1992 neu CPNDT, yn ôl fel y digwydd, i P neu mewn cysylltiad â P mewn perthynas â'r gwasanaeth pensiyndwy hwnnw.

### **Nid yw aelod diogelwch taprog yn gymwys i ymuno â'r cynllun hwn**

17. Tra bo person (P) yn aelod diogelwch taprog o Gynllun 1992 neu CPNDT, nid yw P yn gymwys i fod yn aelod actif o'r cynllun hwn mewn cysylltiad â'r gyflogaeth gynllun honno.

### **Diogelwch taprog: aelodau o Gynllun 1992 neu CPNDT ar ddyddiad cau'r cynllun**

- 18.—(1) Mae'r paragraff hwn yn gymwys os yw is-baragraff neu is-baragraff (3) yn gymwys.
- (2) Mae'r is-baragraff hwn yn gymwys—
- (a) os oedd P yn aelod actif o Gynllun 1992 neu'n aelod actif, neu'n gymwys i fod yn aelod actif, o CPNDT ar ddyddiad cau'r cynllun;
  - (b) os oedd P, ar 31 Mawrth 2012, yn aelod actif o Gynllun 1992 neu'n aelod actif, neu'n gymwys i fod yn aelod actif, o CPNDT; ac
  - (c) os yw P—
  - (d) (i) yn aelod actif o Gynllun 1992 ac oni fydd farw, bydd P yn cyrraedd oedran pensiwn arferol o dan Gynllun 1992 yn ystod y cyfnod sy'n dechrau gyda 2 Ebrill 2022 ac yn diweddu gyda 31 Mawrth 2026; neu
  - (e) (ii) yn aelod actif, neu'n gymwys i fod yn aelod actif o CPNDT, ac oni fydd farw, bydd P yn cyrraedd oedran pensiwn arferol o dan CPNDT yn ystod y cyfnod sy'n dechrau gyda 2 Ebrill 2022 ac yn diweddu gyda 31 Mawrth 2026.
- (3) Mae'r is-baragraff hwn yn gymwys—
- (a) os oedd P yn aelod actif o gynllun presennol (ac eithrio Cynllun 1992 neu CPNDT), neu o gynllun pensiwn corff cyhoeddus presennol, (“cynllun trosiannol P”) ar 31 Mawrth 2012;
  - (b) os oedd P yn aelod actif o CPNDT ar ddyddiad cau'r cynllun; ac
  - (c) oni fydd farw, bydd P yn cyrraedd oedran pensiwn arferol—
  - (i) o dan CPNDT yn ystod y cyfnod sy'n dechrau gydag 2 Ebrill 2022 ac yn diweddu gyda 31 Mawrth 2026, a
  - (ii) o dan gynllun trosiannol P ar neu cyn 1 Medi 2025.

### **Diogelwch taprog: aelodau o gynllun presennol**

19. Mae'r paragraff hwn yn gymwys—
- (a) os oedd P yn aelod actif o gynllun presennol (ac eithrio Cynllun 1992 neu CPNDT) neu gynllun pensiwn corff cyhoeddus presennol ar y dyddiad cau ar gyfer y cynllun hwnnw;
  - (b) os oedd P yn aelod actif o gynllun presennol neu gynllun pensiwn corff cyhoeddus presennol (“cynllun trosiannol P”) ar 31 Mawrth 2012;
  - (c) os yw P yn dechrau mewn gwasanaeth sy'n bensiynadwy o dan CPNDT, ddim mwy na phum mlynedd ar ôl gadael gwasanaeth pensiynadwy o dan gynllun presennol ac eithrio Cynllun 1992 neu CPNDT;
  - (d) os byddai P, ar y dyddiad y mae P yn dechrau mewn gwasanaeth sy'n bensiynadwy o dan CPNDT, wedi bod yn aelod a ddiogelid o'r cynllun presennol y cyfeirir ato yn is-baragraff (c) pe bai P wedi aildechrau mewn gwasanaeth sy'n bensiynadwy o dan y cynllun hwnnw ar y dyddiad hwnnw; ac
  - (e) oni fydd farw, bydd P yn cyrraedd oedran pensiwn arferol—
  - (i) o dan CPNDT yn ystod y cyfnod sy'n dechrau gydag 2 Ebrill 2022 ac yn diweddu gyda 31 Mawrth 2026, a
  - (ii) o dan gynllun trosiannol P ar neu cyn 1 Medi 2025.



### Diogelwch taprog: aelodau o gynllun pensiwn corff cyhoeddus presennol

20. Mae'r paragraff hwn yn gymwys—

- (a) os oedd P yn aelod actif o gynllun presennol (ac eithrio Cynllun 1992 neu CPNDT) neu gynllun pensiwn corff cyhoeddus presennol ar y dyddiad cau ar gyfer y cynllun hwnnw;
- (b) os oedd P yn aelod actif o gynllun presennol neu gynllun pensiwn corff cyhoeddus presennol (“cynllun trosiannol P”) ar 31 Mawrth 2012;
- (c) os yw P yn dechrau mewn gwasanaeth sy'n bensiynadwy o dan CPNDT, ddim mwy na phum mlynedd ar ôl gadael gwasanaeth pensiynadwy o dan gynllun pensiwn corff cyhoeddus presennol;
- (d) os byddai P, ar y dyddiad y mae P yn dechrau mewn gwasanaeth sy'n bensiynadwy o dan CPNDT, wedi bod yn aelod a ddiogelid o'r cynllun pensiwn corff cyhoeddus presennol y cyfeirir ato yn is-baragraff (c) pe bai P wedi ailddechrau mewn gwasanaeth sy'n bensiynadwy o dan y cynllun hwnnw ar y dyddiad hwnnw; ac
- (e) oni fydd farw, bydd P yn cyrraedd oedran pensiwn arferol—
  - (i) o dan CPNDT yn ystod y cyfnod sy'n dechrau gydag 2 Ebrill 2022 ac yn diweddgu gyda 31 Mawrth 2026, a
  - (ii) o dan gynllun trosiannol P ar neu cyn 1 Medi 2025.

### Aelodau diogelwch taprog o gynllun presennol neu gynllun pensiwn corff cyhoeddus presennol

21. Mae'r paragraff hwn yn gymwys—

- (a) os byddai paragraff 13 neu 14 o'r Atodlen hon wedi bod yn gymwys oni bai am y ffaith na fyddai P wedi bod yn aelod a ddiogelid yn llawn o'r cynllun presennol neu'r cynllun pensiwn corff cyhoeddus presennol, y cyfeirir ato ym mharagraff 13(c) neu 14(c), yn ôl fel y digwydd, (“y cynllun sy'n trosglwyddo”) ar y dyddiad y mae P yn dechrau mewn gwasanaeth sy'n bensiynadwy o dan CPNDT; a
- (b) os byddai P wedi bod yn aelod a ddiogelid o'r cynllun sy'n trosglwyddo yn rhinwedd eithriad y mae adran 18(7)(a) a (b) o Ddeddf 2013 (neu'r adran honno fel y'i cymhwysir gan adran 31(4) o'r Ddeddf honno) yn gymwys iddo, pe bai P wedi ailddechrau mewn gwasanaeth sy'n bensiynadwy o dan y cynllun sy'n trosglwyddo ar y dyddiad y mae P yn dychwelyd i wasanaeth sy'n bensiynadwy o dan CPNDT.

## RHAN 3

### Cynllun 1992

<i>Dyddiad geni o</i>	<i>Dyddiad geni i</i>	<i>Dyddiad y daw diogelwch i ben</i>
02/04/1967	01/05/1967	31/03/2022
02/05/1967	01/06/1967	06/02/2022
02/06/1967	01/07/1967	14/12/2021
02/07/1967	01/08/1967	23/10/2021
02/08/1967	01/09/1967	29/08/2021
02/09/1967	01/10/1967	06/07/2021
02/10/1967	01/11/1967	15/05/2021

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Dyddiad geni o</i>	<i>Dyddiad geni i</i>	<i>Dyddiad y daw diogelwch i ben</i>
02/11/1967	01/12/1967	21/03/2021
02/12/1967	01/01/1968	28/01/2021
02/01/1968	01/02/1968	05/12/2020
02/02/1968	01/03/1968	11/10/2020
02/03/1968	01/04/1968	22/08/2020
02/04/1968	01/05/1968	28/06/2020
02/05/1968	01/06/1968	07/05/2020
02/06/1968	01/07/1968	14/03/2020
02/07/1968	01/08/1968	21/01/2020
02/08/1968	01/09/1968	28/11/2019
02/09/1968	01/10/1968	05/10/2019
02/10/1968	01/11/1968	13/08/2019
02/11/1968	01/12/1968	20/06/2019
02/12/1968	01/01/1969	28/04/2019
02/01/1969	01/02/1969	05/03/2019
02/02/1969	01/03/1969	10/01/2019
02/03/1969	01/04/1969	22/11/2018
02/04/1969	01/05/1969	29/09/2018
02/05/1969	01/06/1969	07/08/2018
02/06/1969	01/07/1969	14/06/2018
02/07/1969	01/08/1969	22/04/2018
02/08/1969	01/09/1969	27/02/2018
02/09/1969	01/10/1969	04/01/2018
02/10/1969	01/11/1969	12/11/2017
02/11/1969	01/12/1969	19/09/2017
02/12/1969	01/01/1970	29/07/2017
02/01/1970	01/02/1970	04/06/2017
02/02/1970	01/03/1970	11/04/2017
02/03/1970	01/04/1970	21/02/2017
02/04/1970	01/05/1970	29/12/2016
02/05/1970	01/06/1970	06/11/2016
02/06/1970	01/07/1970	13/09/2016
02/07/1970	01/08/1970	23/07/2016
02/08/1970	01/09/1970	29/05/2016

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Dyddiad geni o</i>	<i>Dyddiad geni i</i>	<i>Dyddiad y daw diogelwch i ben</i>
02/09/1970	01/10/1970	05/04/2016
02/10/1970	01/11/1970	13/02/2016
02/11/1970	01/12/1970	20/12/2015
02/12/1970	01/01/1971	29/10/2015
02/01/1971	01/02/1971	05/09/2015
02/02/1971	01/03/1971	12/07/2015
02/03/1971	01/04/1971	24/05/2015

#### CPNDT

<i>Dyddiad geni o</i>	<i>Dyddiad geni i</i>	<i>Dyddiad y daw diogelwch i ben</i>
02/04/1962	01/05/1962	31/03/2022
02/05/1962	01/06/1962	06/02/2022
02/06/1962	01/07/1962	14/12/2021
02/07/1962	01/08/1962	23/10/2021
02/08/1962	01/09/1962	29/08/2021
02/09/1962	01/10/1962	06/07/2021
02/10/1962	01/11/1962	15/05/2021
02/11/1962	01/12/1962	21/03/2021
02/12/1962	01/01/1963	28/01/2021
02/01/1963	01/02/1963	05/12/2020
02/02/1963	01/03/1963	11/10/2020
02/03/1963	01/04/1963	23/08/2020
02/04/1963	01/05/1963	30/06/2020
02/05/1963	01/06/1963	09/05/2020
02/06/1963	01/07/1963	15/03/2020
02/07/1963	01/08/1963	23/01/2020
02/08/1963	01/09/1963	30/11/2019
02/09/1963	01/10/1963	06/10/2019
02/10/1963	01/11/1963	15/08/2019
02/11/1963	01/12/1963	22/06/2019
02/12/1963	01/01/1964	30/04/2019
02/01/1964	01/02/1964	07/03/2019
02/02/1964	01/03/1964	12/01/2019
02/03/1964	01/04/1964	22/11/2018
02/04/1964	01/05/1964	29/09/2018

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Dyddiad geni o</i>	<i>Dyddiad geni i</i>	<i>Dyddiad y daw diogelwch i ben</i>
02/05/1964	01/06/1964	07/08/2018
02/06/1964	01/07/1964	14/06/2018
02/07/1964	01/08/1964	22/04/2018
02/08/1964	01/09/1964	27/02/2018
02/09/1964	01/10/1964	04/01/2018
02/10/1964	01/11/1964	12/11/2017
02/11/1964	01/12/1964	19/09/2017
02/12/1964	01/01/1965	29/07/2017
02/01/1965	01/02/1965	04/06/2017
02/02/1965	01/03/1965	11/04/2017
02/03/1965	01/04/1965	21/02/2017
02/04/1965	01/05/1965	29/12/2016
02/05/1965	01/06/1965	06/11/2016
02/06/1965	01/07/1965	13/09/2016
02/07/1965	01/08/1965	23/07/2016
02/08/1965	01/09/1965	29/05/2016
02/09/1965	01/10/1965	05/04/2016
02/10/1965	01/11/1965	13/02/2016
02/11/1965	01/12/1965	20/12/2015
02/12/1965	01/01/1966	29/10/2015
02/01/1966	01/02/1966	05/09/2015
02/02/1966	01/03/1966	12/07/2015
02/03/1966	01/04/1966	24/05/2015